



Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicacionem Pagina
Indicabit

V. P. Gasparis Druzbicki, Societatis Jesu, Jesus Passus Per Centuriam
Modorum Meditandi passionem Salvatoris nostri illustratus; cui
accesserunt Meditationes In Passionem Domini XLVI. - Juxta numerum
dierum Quadragesimæ

Druzbicki, Kaspar

Ingolstadii, 1732

VD18 90066405

Modus 1. Considerando Personas, Verba, Opera, quæ in Passione
inveniuntur.

urn:nbn:de:hbz:466:1-45427

ac innovatam occupationem, qua devoti, perfectique viri, pro suo quisque, tum gradu, tum fervore, saluberrimè uti solent, hoc tempore ego pertractandam mihi non sumo. Deinde verò non Meditationes in Passionem describendos mihi statuo. Quamquam enim modis Paradigmata passim subjiciuntur, quæ etiam Meditationes sunt, hoc tamen nonnisi idèd agitur, ut modis ipsis major quædam lux apponatur. Igitur ut propositum meum exequar, sit jam Tractationis initium.

MODUS I.

Passionem Dominicam meditandi.

Juxta rationem meditandi à Sancto Patre nostro IGNATIO traditam, & à nostræ Societatis hominibus usurpari solitam, assumantur ad meditandum singula mysteria Dominicæ Passionis, juxta contextum historiarum, ab Evangelistis descriptæ: in eisque debitâ devotâque diligentia, recogitentur. 1. quidem Personæ, v. g. Christi, Matris ejus, discipulorum, persecutorum, Patris æterni, Angelorum, Dæmonum, expendendo singularum Personarum conditiones: ex eaque expensione documenta eruendo, affectûs eliciendo, proposita concipiendo. 2. autem Personarum verba, seu verè seu probabiliter dicta, dicendave attendendo, atque ex eorum ponderatione, doctrinas, & affectûs, propositaque propriæ meditantis conditioni idonea eliciendo. 3. Demum operationes Personarum singularum considerando, factâque reflexione super proprium statum, ac modum vivendi, documenta

cumenta similiter, affectûs, ac proposita competentia exercendo: ac totum Meditationis negotium debitis postulationibus, atque colloquiis cum Deo, & Christo &c. concludendo. Paradigma hujus meditandi modi, proderit hoc loco subtexere: confectum ad instar ejus, quod Sanctus Pater Noster IGNATIUS, in suo Exercitiorum libro, Hebd. 2. die 1. expressum habet, de JESU Christi Incarnatione.

Oratio Præparatoria præmittenda Meditationi erit, quâ petamus à Domino gratiam, ut vires, operationesque nostræ omnes, sincerè ad ejus gloriam, & obsequium tendant.

PRÆLUDIUM I. erit. Proferre in medium summariam Passionis Dominicæ (aut partem ejus) meditandæ historiam. Quomodo Dominus noster JESUS CHRISTUS, quem æternus Pater ex ineffabili dilectione sua in mundum misit, ut salvaretur mundus per ipsum: adveniente jam tempore præstituto, Jerosolymam (locum scilicet Passionis suæ futurum) venerit, inibi consummaverit omnia, quæ scripta fuerant de illo per Prophetas. *Traditus enim est gentibus, & illatus, & flagellatus, & consputus, & postea in Crucem occisus, per manus peccatorum. Quæ dum suum incumbebant sceleri, famulabantur Salvatori, & humani generis ministrabant redemptioni.*

PRÆLUDIUM II. erit. Imaginariè videre Hierosolymam universam, in cujus diversis locis Dominus noster, salutem nostram, per passionem suam operatus est. Talis locus est Cœnaculum, in quo lotis Apostolorum pedibus instituit Sacrificium, & Sacramentum altaris, suæque memoriale Passionis: talis est Hortus Gethsemani

Luc. 18. 31.

femani, in quo usque ad sudorem sanguineum oravit: talis domus Annæ, Caiphæ, Pilati, Herodis, talis mons Calvarius, &c.

PRÆLUDIUM III. Continebit gratiæ postulationem, ut intime cognoscam, quo pacto Dei Filius Passus, Crucifixus, Mortuus sit pro me, proque humano genere universo, ut ardentius ipsum amem, & abhinc ei serviam, ipsumque imiter studiosius.

Punctum I. Speculabor Personas, quæ in Passione Christi partes suas habuerunt. Et *Primò*, universum genus humanum, in miserissima licet peccati & Diaboli captivitate positum, tamen nihil minus sentiens, aut cogitans, quàm lachrymabilem statum suum: sed omnes homines veluti conspiratione factâ, junctisque manibus, & passibus, & studiis, in tartararuere. *Deinde* contemplanor Æternum Deum, tactum commiseratione cordis sui Divini intrinsecùs, Filium suum pro salute hominum ad mortem crucis mittentem, eumque propter scelus populi sui, duro Passionis flagello castigantem. *Præterea* contemplanor Dei Filium offerentem sese Passioni, ad instar Agni innocentissimi, ad victimam duci, fierique obedientem Patri, usque ad mortem, mortem autem crucis. *Insuper* Cogitabo Virginem Matremque JESU CHRISTI MARIAM, voluntati Divinæ devotissimam, etsi acerbissimè Passionem Filii sentientem, summa tamen cum animi resignatione, filium suum Æterni Patris voluntati per omnia consignantem. Cogitabo post hæc rabiem, Luciperi, totiusque potestatis tenebrarum, qua hostium Christi animos, in cruciatus, & necem ejusdem,

dem, quàm crudelissimam exstimulavit: nunc mittendo in cor Judæ consilium ejus vendendi, nunc in cor Judæorum, Principum propositum emendi, & fundendi sanguinem illius, &c. Considerabo etiam, Principes Judæorum omnino obfirmatos in necem Christi, & nec sumptibus, neque curis parcere, modò suum in Christum odium exsatiarent: jamque pacisci cum Judâ, jam cogere, mittere, comitari cohortem, & ministros, ad eum capiendum, jam captum rapere, ad sua conciliabula, inibi de eo quæstiones habere, falsis testibus obruere, reum mortis proclamare, jam victum Pilato tradere, Herodem adducere, necem ejus apud Pilatum urgere, sanguinem ejus super se, superque filios suos ultro recipere. Contemplabor & Pilatum Præsidem, initio quidem pro Christo multum satagere, innocentis mortem à se amoliri: ad extremum tamen, metu & clamoribus tumultuantium victum, post diram flagellationem mortis Crucis Christum addicere. Contemplabor & Herodem, viso Jesu gaudentem primò, deinde eundem cum suo satellitio despiciere; & illum in daci veste albâ Pilato remittere.

Insuper, milites totos in Christi cruciatibus incumbentes attendam, vinculis, verberibus, pugnantibus, colaphis, raptationibus, flagellis, virgis, ceptis, spinis, clavis cruce savientes. Denique contem- plabor amicos Christi, quosdam procul, eo relicto fugere, quosdam præ metu abnegare, alios ad Patrem à longè stare, alios de malis ejus lamentantes, Matrem cum Joanne juxta Crucem esse.

Ex his omnibus singulisque Personis consideratis, aliquas doctrinas fructuosas decerp-

do, affectûsque congruos excitando, ad me reflexionem faciam. v. g. de ruina cæcitateque hominum, & meâ propriâ dolebo ac lugebo. Mirabor & laudabo Dei misericordiam, Christi charitatem in nos, & in Patrem obedientiam. Matris amplectar resignationem in Dei placitum, execrabor Luciperi malitiam, Judæ cum avaritiâ perfidiam, Judæorum invidentiam, odium furorem, Herodis temeritatem, Pilati meticulosam ignaviam, iniquitatem, inconstantiam. Compatiar Christo inter crudeles ministrorum manus fatiscenti, sequar & lamentabor Christi injurias, adstabo ejus Cruci meque discipulum profitebor, fugam meam à Christo, & abnegationem toties factam deprecabor, & plangam, Matri compatiar, &c.

PUNCTUM II. erit. Auditu interno excipere verba, & sermones, jam recensitarum Perfonarum. Puta universorum hominum, pro vanitate studiorum, & affectionum, quosdam ut terrena sapere, ita & loqui inter se: quosdam fana fabulari, alios fæda & absurda, alios mendacia, perjuriam, blasphemias, maledicta, adulationes, convitia, calumnias ructare invicem, &c. Deum Patrem æternum contrâ, loqui misericordiam, & pacem super filios hominum; dare præceptum mortis unigenito suo, pro salute humani generis. *Si tradideris pro peccato animam tuam, vivis semper.* Rursus Filium Dei dicere ad Patrem. *Sacrificium & oblationem noluisti, autem res autem perfecisti mihi Pater, & corpus aptasti.*

Holocaustum & pro peccato non postulasti, non tibi placuerunt, tunc dixi. Ecce venio, In capite libri scriptum est de me, ut facerem voluntatem tuam. Deus

Isa. 53. 10.

Psal. 39. 7.

Hebr. 10. 5.

V. P. Druzb. Op. VIII.

B

meus

*Pf. 39. 8. meus volui, & legem tuam in medio cordis mei. Pater
Matt. 26. 42. mi, si non potest hic calix transire nisi bibam illum,
fiat voluntas tua.* Devotissimam quoque Christus

Matrem audire licet dicentem, & benedicentem
Deum in consilio suo, super redimendo genere
humano, per sanguinem & mortem Filii sui
offerentem quoque Filium ipsum suum, & se
unà cum Filio suo: si ita placitum foret ante Pa-
trẽ æternum, ad omnem cruciatum, supplicium
unquam Crucis. Audiam etiam, Luciferum, &
Judæos, veluti uno ore, uno certè furore, &

*Joan. 12. 19. odii spiritu dicentes. Videtis quia nihil proficimus
ecce totus mundus post eum abit: hic homo multum*

*Sap. 2. 15. signa facit: contrarius est operibus nostris: graviter
est nobis etiam ad videndum. Filium Dei se nominat*

*Hier. 11. 19. venite circumveniamus eum: mittamus lignum in
panem ejus. Contumeliã & tormento interrogemus
eum. eradamus nomen ejus de terrã viventium: &
nomen ejus non memoretur amplius. Pari modo Pe-
latum, Herodem, milites, audire licebit loquen-
tes adversus Dominum, & adversus Christum
ejus.*

Atque ex his omnibus factã reflexione super
me, elicitis affectibus, conceptisque propositis
fructum ædificationis internæ decerpam, pro
materiæ exigentiã, & pro luminis interni di-
ctamine.

PUNCTUM III. erit. Actiones quoque ad
tendere, & expendere Personarum prædictarum
Quomodo v. g. Homines per totum mundum
inhabitantes, pars suis negotiis curisque distent
agros colunt, domos ædificant, plantant vineas
aucupiis, piscatu, venatu, vitam agunt: eunt alii
in viscera terræ, alii faciunt operationes in aqua
multis

mūltis, alii mutuas in cades ruunt, bellis, rapi-
nis, furtis, latrocinis, rixis, commestationibus,
lasciviis, vitam impendunt, omnes securi perdi-
tionis aeternae. Porro aeternus Pater, filium suum
velut Abrahamus Isaacum, passioni & morti tra-
dit, pro genere humano. Filius porro obedi-
entissimus, sicut mandatum dedit ei Pater, sic fa-
cit: & totum Passionis suae calicem haurit, to-
tumque opus redemptionis nostrae exequitur, &
animam suam ponit pro ovibus suis. Nec quis-
quam tollit animam ejus ab eo, sed ipse sponte
sua, ex dilectione nostri, ex obedientia erga Pa-
trem caelestem, offertur, quia ipse voluit. Ma-
ter autem Christi, omnis Passionis ejus exterius
comes, interius per omnia particeps, secundum
animam gladio doloris confixa, stetit sub cruce,
stetit in fide, stetit in dilectione, non erubescens,
sed deferens, & confitens opprobrium Filii sui
crucifixi. Diabolus est contra, Judas, Principes
Judaeorum, Pilatus quoque & Herodes, nec
non eorum ministri, astiterunt, & convenerunt
in unum adversus Dominum, & adversus Chri-
stum ejus: vocesque Prophetarum, & figura-
rum, ignorantes, & malevolentes impleve-
runt.

Ex his omnibus, congruis, ut in prioribus,
decerptis documentis, facta super me reflexione,
exercitis affectibus, elicitis propositis salutaribus,
fructum meditationis colligam.

COLLOQUIUM postremo subijciam, quo
stultitiam, & perditionem hominum deplorabo;
Divinam misericordiam, Christi charitatem, Ma-
tris ejus pietatem, admirans & laudans praedica-
bo, Hostium Christi odium, furorem, invidiam

crudelitatem, cæcitatem, detestabor, deflebo pro mea, totiusque generis humani redemptione gratias agam, salutis studium, & curam, in me aliisque promovere, in Dei miserationibus confidere, Christi obedientiam, humilitatem, charitatem, patientiam, aliasque virtutes imitari, pro Christo laborare & pati, Passionis ejus affectûs, atque fructûs in me, & in proximo derivare constituam; ad idque auxilium à Patre æterno, per Christi merita, per Matris ejus, Sanctorumque intercessionem petam. Meditationem demum oratione Dominicâ & salutatione Angelica concludam.

MODUS II.

Alter modus Passionem Dominicam meditando est, expendere illam secundum circumstantias ejus; v. g. 1. Quis est qui patitur? 2. Qualis est qui patitur? 3. Quantus est qui patitur? 4. Qua de causa patitur? 5. Quali forma patitur? 6. Quanta sit quæ patitur? 7. Quid ex hoc consequitur quod patitur? Quæ omnia fusiùs verbis sancti Bonaventuræ explicata cognoscere, utile erit. ita igitur ille. *Tomo 2. opusculo 26. In Parvo bono particul. Hoc opusculum etiam vocatur. Incendium amoris.*

Primo, considera, quis est qui patitur, & subdere per rationis assensum, ut credas firmè ipsum veraciter esse Dei filium, omnium rerum principium, Salvatorem hominum, & tributorem meritorum omnium.

Secundò, considera, qualis est qui patitur, & ei configurare per compassionis affectum, scilicet